



Caderno da crítica

Cuestionario Proust: Rafael Laso

[Ramón Nicolás 26 Maio 2014](#)

1.– Principal trazo do seu carácter?

– A constancia.

2.– Que calidade aprecia máis nas persoas?

– A sinceridade.

3.– Que agarda das súas amizades?

– O que elas agardan de min.

4.– A súa principal eiva?

– Son teimudo de máis.

5.– A súa ocupación favorita?

– Ler e escribir.

6.– O seu ideal de felicidade?

– Poder compartir o tempo coa miña dona e meu fillo.

7.– Cal sería a súa maior desgraza?

– Perder ás persoas que quero.

8.– Que lle gustaría ser?

– Escritor ou pintor.

9.– En que país desexaría vivir?

– Neste noso país.

10.– A súa cor favorita?

– Azul.

11. – A flor que máis lle gusta?

– O alecrín.

12.– O paxaro que prefire?

– O xiroto.

13.– A súa devoción na prosa?

– A listaxe sería moi longa.

14.– E na poesía?

– Celso Emilio, Cunqueiro, Rosalía...

15.- Un libro?

– Tantos..., dicir un só sería case pecado.

16.– Un heroe de ficción?

– Mazinger Z.

17.– Unha heroína?

– A pantera rosa.

18.– A súa música favorita?

– Bob Dylan e Milladoiro.

19.– Na pintura?

– Van Gogh, Sorolla.

20.– Un heroe ou heroína na vida real?

– Os dous: meu pai e miña nai.

21.– O seu nome favorito?

– Antela.

22.– Que hábito alleo non soporta?

– A impuntualidade.

23.– O que máis odia?

– A envexa.

24.– A figura histórica que máis despreza?

– Hitler.

25.– Un feito militar que admire?

– Non sei se un feito militar, a revolta irmandiña.

26.– Que don natural lle gustaría ter?

– O don de linguas.

27. – De que maneira lle gustaría morrer?

– Sen decatarme.

28.– Cal é o seu estado de ánimo máis habitual?

– Argallando e pensando cousas.

29.– Que defectos lle inspiran máis indulxencia?

– O ser lambón.

30.– Un lema na súa vida?

– A felicidade está nas cousas arredor de nós.